

**BASES DA CONVOCATORIA PARA A INSCRICIÓN, ADMISIÓN E SELECCIÓN DOS OBRADOIROS ARTESÁNS DA PROVINCIA DE LUGO INSCRITOS NO REXISTRO XERAL DE ARTESANÍA DE GALICIA, PARA PARTICIPAR NA MOSTRA DE ARTESANÍA “ARTESANFROILÁN 2022”, DA ÁREA DE DEPORTES, ARTESANÍA E DESEÑO E MEMORIA HISTÓRICA DA DEPUTACIÓN DE LUGO.**

#### **PRIMEIRA: OBXECTO DA CONVOCATORIA**

As presentes bases teñen como obxecto establecer as condicións de participación en réxime de concorrencia competitiva, dos obradoiros artesáns da provincia de Lugo inscritos no Rexistro Xeral de Artesanía de Galicia na mostra de artesanía “Artesanfroilán 2022” organizada pola Área de Área de Deportes, Artesanía e Deseño e Memoria Histórica da Deputación de Lugo.

#### **SEGUNDA: PARTICIPANTES**

A presente convocatoria está aberta a:

1.- Obradoiros artesáns da provincia de Lugo inscritos no Rexistro Xeral de Artesanía de Galicia segundo o establecido no Decreto 218/2001, do 7 setembro, polo que se refunde a normativa vixente en materia de artesanía da Lei 1/1992 do 11 marzo de Artesanía de Galicia, ou no seu caso na normativa que a derroque e/ou substitúa.

A participación nesta mostra de artesanía “Artesanfroilán 2022” está reservada a obradoiros artesáns da provincia de Lugo cuxa produción sexa exclusivamente de creación e produción propia, e cuxo material responda ao proceso de transformación e elaboración dunha determinada materia prima; entendéndose este proceso como un cambio substancial na referida materia.

#### **TERCEIRA: LUGAR, DATAS E CARACTERÍSTICAS.**

A mostra celebrarase na praza Anxo Fernández Gómez, do 01 ao 12 de outubro de 2022 , en horario de 11:00 h. A 14:00 h. e de 17:00 h a 21:00 h.

Estará formada por 24 postos de 3x2 metros cada un deles con cadro eléctrico e iluminación, nas que se exhibirán os produtos dos obradoiros artesáns.

#### **CUARTA: CONDICIÓN XERAIS DE PARTICIPACIÓN.**

As persoas interesadas en participar na mostra de artesanía “Artesanfroilán 2022” deberán presentar a solicitude coa documentación requirida no prazo e forma establecida nas presentes bases.

Poderán participar individual ou conxuntamente, en cuxo caso deberase indicar expresamente na solicitude, e en consecuencia deberán achegar a documentación correspondente e esixible a cada participante.

En todo caso, aqueles obradoiros que decidan participar conxuntamente, deberán cumprir, respectivamente e por separado, todos e cada un dos requisitos esixidos. O incumprimento dos referidos requisitos por parte dalgunha das persoas que solicitan a participación conxunta non invalidará a admisión daquel que sí os cumpra, debendo adaptarse as circunstancias derivadas desa situación, de xeito que non implique deterioro na imaxe e desenvolvemento da mostra. Nese sentido, a Área de Deportes, Artesanía e Deseño e Memoria Histórica, poderá ditar as instrucións precisas para o mellor desenvolvemento e execución da feira.

Así mesmo, os obradoiros participantes comprométese a non ceder ou transferir en ningún caso a terceiros, os dereitos de participación concedidos pola organización.

Os expositores deberán asegurar nas súas casetas as necesarias condicións de limpeza, hixiene e atención ao cliente, durante os días que dure o mercado.

O centrAD, da Deputación de Lugo será o encargado de definir a organización e colocación dos postos de acordo coas solicitudes presentadas, na perspectiva da correcta imaxe e execución da mostra e da óptima presentación da oferta artesanal que se promove.

Queda expresamente prohibido que os expositores queden cos elementos de rotulación e decoración instalados.

A Deputación de Lugo resérvase o dereito de instar á retirada inmediata no transcurso da Mostra de aqueles produtos que non cumpran os requisitos recollidos nas Bases, ou daquela oferta expositiva que por razóns acreditadas puidera supoñer dano ou prexuízo para o contido ou mensaxe da mostra da propia Deputación de Lugo.

De acordo coa lexislación vixente en materia de igualdade entre homes e mulleres e de protección contra a violencia de xénero, queda expresamente prohibida a exposición de produtos ou actividades que inclúan tácita ou implicitamente contidos ou publicidade sexista ou que se poida considerar discriminatorias, vexatorias ou que xustifiquen, banalicen ou inciten á desigualdade de xéneros ou á violencia de xénero.

Na consideración do deber da Administración Pública de promoción do uso da lingua galega, a lingua de uso da mostra será o idioma galego.

A Mostra estará cuberta pola póliza de seguro de responsabilidade civil da Deputación de Lugo. De igual xeito, as persoas adxudicatarias deberán ter subscribida tamén unha póliza de responsabilidade civil para a actividade que desenvolvan.

A Deputación de Lugo non se fai responsable de perdas, danos ou furtos de materiais ou produtos durante o transcurso da mostra así como de calquera dano persoal ou material a terceiros, incluídos os danos producidos por catástrofes de calquera tipo.

Os produtores/as aceden a que a Deputación de Lugo fotografe, debuxe ou filme as instalacións, así como os servizos e/ou artigos expostos nos mesmos e a utilizar estas reproducións nas súas publicacións, na páxina web da Área e na prensa. A persoa ou entidade que expón ten dereito a fotografar o seu propio posto e os seus propios produtos, durante as horas de celebración do Mercado.

Se por circunstancias de forza maior, a Deputación de Lugo se vira obrigada a desconvocar ou suspender en todo ou en parte a celebración do mercado, esta desconvocatoria e/ou suspensión non implicará indemnizacións de ningunha natureza para os/as expositores/as admitidos/as.

A presentación da solicitude de participación na mostra de artesanía “Artesanfroilán 2022” implica a aceptación total das presentes bases.

#### **QUINTA: CONDICIÓN PARTICULARES DE PARTICIPACIÓN NA MOSTRA.**

Os traballos de descarga de mercancía, montaxe e acondicionamento de cada posto levaranse a cabo o 30 de setembro de 2022 entre as 08:00 h e as 21:00 h. A retirada e desmontaxe dos postos deberá realizarse o día 12 de outubro de 2022 entre as 21:00 h e as 24:00 h.

#### **SEXTA: PRESENTACIÓN DE SOLICITUDES**

As persoas interesadas en participar na mostra de artesanía “Artesanfroilán 2022” deberán presentar o modelo normalizado de solicitude que se achega como Anexo I, - xunto coa documentación restante requirida no punto 6º das bases- a través do Rexistro Xeral na Sede Electrónica da Deputación-

O prazo de presentación será de 10 días hábiles dende o día seguinte ao da publicación das Bases no Boletín Oficial da Provincia.

Toda solicitude presentada fóra do prazo indicado nas presentes bases será excluída do proceso de selección para participar na mostra Artesanfroilán 2022.

As solicitudes irán acompañadas obrigatoriamente da seguinte documentación:

**1.-ANEXO I:** Modelo de solicitude debidamente cumprimentado.

## **2.-ANEXO II:**

- Declaración responsable de non estar incurso en nengunha das prohibicións de contratar que establece o artigo 71 da Lei 9/2017, de 8 de novembro de Contratos do Sector Público, así como de estar ao corrente no cumprimento das obrigas tributarias e da Seguridade Social impostas polas disposicións vixentes.
- Compromiso de aceptación en canto á responsabilidade de obter os permisos municipais para a entrada de vehículos aos efectos de montaxe, desmonte, carga e/ou descarga, así como as responsabilidades derivadas das perdas, danos, furtos de materiais ou produtos durante o transcurso da mostra , e calquera dano persoal ou material a terceiros, segundo se establece no punto 4 das bases

### **3.- Copia do NIF do solicitante**

### **4.- Certificado de obradoiro artesán inscrito no Rexistro Xeral de Artesanía de Galicia**

### **5.- Carta de artesá/án**

### **6.- Memoria técnica e descritiva** dun máximo de 25 páxinas, que conteña os seguintes apartados:

- 6.a)** Datos completos do obradoiro (datos persoais, nome comercial, número de rexistro da carta de artesán e do obradoiro rexistrado, dirección, teléfonos, enderezo electrónico, web e redes sociais)
- 6.b)** Currículum ou biografía onde se describa a súa formación e traxectoria profesional incluíndo as referencias do seu traballo en prensa, revistas especializadas ou outras publicacións, así como a súa presenza en Internet (web ou redes sociais)
- 6.c)** Descrición do proceso produtivo acompañada dunha secuencia de imaxes en pequeno formato mostrando a transformación da materia prima ata o produto final.
- 6.d)** Detalle dos materiais e ferramentas empregadas
- 6.e)** Relación detallada dos produtos que se poñerán a venda na feira.
- 6.f)** Fotografías xerais e de detalle dos produtos onde se poida apreciar a súa calidade.
- 6.g)** Fotografía do posto montado anteriormente ou proposta de montaxe.

## SÉTIMA: SELECCIÓN

Rematado o prazo de solicitude será a Área de Deportes, Artesanía e Deseño e Memoria Histórica, a través do Centro de Artesanía e Deseño, a encargada de instruír e tramitar os expedientes onde unha Comisión de selección valorará as solicitudes presentadas, emitindo o Centrad unha proposta de resolución das persoas admitidas para participar na mostra de artesanía “Artesanfroilán 2022”.

A Comisión de selección estará composta polos seguintes membros (rexerase segundo o establecido para os órganos colexiados nos artigos 15 e seguintes da Lei 40/2015, de 1 de outubro, de réxime xurídico do sector público):

### PRESIDENTE

Mario Vila López, Xefe de Unidade I do Centro de Artesanía e Deseño

### SECRETARIO

A Secretaria da Deputación de Lugo, ou persoa en quen delegue.

### VOGAIS

María Isabel Somoza García, Representante do Sector Artesanal Lucense

Marcelino Castro Pena, Servizo de Industrias e Calidade Agroalimentaria da Consellería do Medio Rural.

Xunta de Galicia

Laura Vázquez Janeiro, Bióloga do Centrad.

Vogais Suplentes

Marta García Díez, Vixiante-guía do Centrad.

M<sup>a</sup> Soledad López de Andrés, Atención ao cidadá do Centrad.

A selección dos participantes na mostra farase con base nos criterios que se expoñen a continuación:

1.- Calidade do produto (baseándose en criterios comparativos en relación coas solicitudes presentadas e a disciplina na que ten a carta de artesán, valorando o traballo de conceptualización e deseño de produto. Nivel de transformación da materia prima, acabados e presentación final, coherencia das coleccións, evolución e mellora do traballo respecto a edicións pasadas, se é o caso) de 0 a 10 puntos

2.- Calidade da memoria descritiva (baseándose en criterios comparativos en relación coas solicitudes presentadas, valorando a presentación, maquetación e claridade na exposición de contidos) de 0 a 5 puntos.

3.- Antigüidade da Carta de Artesá/artesán ( na data de finalización de presentación de solicitudes)

- a. Menor o igual a 5 anos → 2 puntos
- b. Máis de 5 anos → 5 puntos

**4.- Antigüidade do Obradoiro inscrito no Rexistro Xeral de Artesanía de Galicia**

- a.- Cunha antigüidade menor ou igual a 5 anos - 2 puntos
- b.- Cunha antigüidade maior de 5 anos - 5 puntos

**5.- Presenza en feiras e eventos de artesanía para profesionais de 0 a 3 puntos**

**6.- Premios e recoñecementos en certames e concursos para profesionais**

- a.- De ámbito internacional - 5 puntos
- b.- De ámbito nacional - 4 puntos
- c.- De ámbito autonómico - 3 puntos

**7.- Innovación técnica:**

- a.- Utilización de novas técnicas na disciplina → 3 puntos
- b.- Incorporación de novos materiais na disciplina - 3 puntos

**8.- Deseño verde:**

- a.- Emprego de materiais autóctonos - 3 puntos
- b.- Emprego de materiais con certificación ecolóxica - 2 puntos
- c.- Emprego de materiais reciclados - 2 puntos
- d.- Reutilización de materiais - 2 puntos

**9.- Identificación coa zona de procedencia e elaboración do produto**

- a.- Por ser oficio tradicional - 5 puntos
- b.- Por ser reprodución de pezas do patrimonio artístico e arquitectónico de Lugo - 5 puntos
- c.- Por reflectir na súa forma ou decoración a cultura popular propia da zona- 3 puntos
- d.- Por reflectir na súa forma ou decoración conceptos xerais da cultura galega - 2 puntos

**10.- Difusión e Implantación en Internet**

- a.- Páxina web con dominio propio → 5 puntos
- b.- Tenda en liña propia - 2 puntos
- c.- Perfil profesional e presenza da marca nas redes sociais - 1 puntos

**11.- Deseño do posto (baseándose en criterios comparativos en relación coas solicitudes presentadas) → de 0 a 5 puntos**

**En caso de empate na puntuación**, terán preferencia utilizando por orde os seguintes criterios:

1º.- O obradoiro que tivese unha maior puntuación no punto 1 sobre a calidade do produto.

2º As disciplinas ou especialidades, que no seu caso, tivesen menos representación, co fin de lograr unha oferta mais equilibrada da mostra.

Con base ós criterios expostos, o órgano instructor, Centro de Artesanía e Deseño, propondrá a resolución e comunicación da listaxe ordenada de obradoiros seleccionados.

A resolución que poña fin ao procedemento de selección deberá expresar as persoas adxudicatarias seleccionadas de cada posto, así coma unha lista de reserva, para os efectos de que, en caso de renuncia, a comisión de selección cubra a vacante co obradoiro suplente, a través da listaxe de suplencias que a tal efecto elaborará a comisión de selección.

Ao abeiro do disposto no artigo 41 da Lei 39/2015 de 1 de outubro, do Procedemento Administrativo Común das Administracións Públicas, a resolución do procedemento non será obxecto de notificación individualizada aos afectados, senón que será obxecto de publicación na paxina web da Deputación de Lugo [www.deputacionlugo.org](http://www.deputacionlugo.org).

Unha vez comunicada a selección dos candidatos, abrirase un prazo de 5 días naturais para a presentación da copia da póliza de responsabilidade civil para o desenvolvemento da actividade para a que se presenta.

#### **OITAVA: CONSIGNACIÓN ORZAMENTARIA**

A cantidade destinada para a convocatoria para a inscrición, admisión e selección dos obradoiros artesáns da provincia de Lugo inscritos no Rexistro Xeral de artesanía de Galicia, para participar na mostra de artesanía "Artesanfroilán 2022", da Área de deportes, artesanía e deseño e memoria histórica da Deputación de Lugo, será de vinte mil euros (20.000 €).

#### **NOVENA: PROTECCIÓN DE DATOS DE CARÁCTER PERSOAL.**

A presentación das solicitudes supón a aceptación incondicional das presentes bases da convocatoria e das condicións, requisitos e obrigas contidas nestas.

A concorrencia ao proceso concorrencia implicará a manifestación tácita do consentimento inequívoco ao tratamento de datos de carácter persoal e a súa publicación de acordo co previsto na Lei Orgánica 3/2018 de 5 de decembro, de protección de datos de carácter persoal. A finalidade da recollida e tratamento dos datos persoais será estritamente á xestión e tramitación do expediente correspondente.

<b>ANEXO I</b>	
SOLICITUDE INDIVIDUAL EN RELACIÓN COA CONVOCATORIA PARA A INSCRICIÓN, ADMISIÓN E SELECCIÓN DOS OBRADOIROS ARTESÁNS DA PROVINCIA DE LUGO INSCRITOS NO REXISTRO XERAL DE ARTESANÍA DE GALICIA, PARA PARTICIPAR NA MOSTRA “ARTESANFROILÁN 2022” DA ÁREA DE DEPORTES, ARTESANÍA E DESEÑO E MEMORIA HISTÓRICA	
<b>DATOS DO SOLICITANTE</b>	
NOME E APELIDOS / RAZÓN SOCIAL	NIF / CIF
REPRESENTANTE LEGAL	NIF
ENDEREZO	CP
LOCALIDADE	PROVINCIA
ENDEREZO ELECTRÓNICO	TELÉFONO
<b>ENDEREZO A EFECTOS DE NOTIFICACIÓN</b>	
CP	LOCALIDADE
PROVINCIA	E-MAIL

Asdo.:

En ..... a... de ..... de 2022

**ILMO. SR. PRESIDENTE DA EXCMA. DEPUTACIÓN PROVINCIAL DE LUGO**

**ANEXO I <sup>bis</sup>**

SOLICITUDE CONXUNTA EN RELACIÓN COA CONVOCATORIA PARA A INSCRICIÓN, ADMISIÓN E SELECCIÓN DOS OBRADOIROS ARTESÁNS DA PROVINCIA DE LUGO INSCRITOS NO REXISTRO XERAL DE ARTESANÍA DE GALICIA, PARA PARTICIPAR NA MOSTRA "ARTESANFROILÁN 2022" DA ÁREA DE DEPORTES, ARTESANÍA E DESEÑO E MEMORIA HISTÓRICA

**DATOS DO SOLICITANTE 1**

NOME E APELIDOS / RAZÓN SOCIAL	NIF / CIF
REPRESENTANTE LEGAL	NIF
ENDEREZO	CP
LOCALIDADE	PROVINCIA
ENDEREZO ELECTRÓNICO	TELÉFONO

**DATOS DO SOLICITANTE 2**

NOME E APELIDOS / RAZÓN SOCIAL	NIF / CIF
REPRESENTANTE LEGAL	NIF
ENDEREZO	CP
LOCALIDADE	PROVINCIA
ENDEREZO ELECTRÓNICO	TELÉFONO

Asdo.:

En ..... a... de ..... de 2022

**ILMO. SR. PRESIDENTE DA EXCMA. DEPUTACIÓN PROVINCIAL DE LUGO**

## ANEXO II

### DECLARACIÓN RESPONSABLE EN RELACIÓN COA CONVOCATORIA PARA A INSCRICIÓN, ADMISIÓN E SELECCIÓN DOS OBRADOIROS ARTESÁNS DA PROVINCIA DE LUGO INSCRITOS NO REXISTRO XERAL DE ARTESANÍA DE GALICIA, PARA PARTICIPAR NA MOSTRA “ARTESANFROILÁN 2022” DA ÁREA DE DEPORTES, ARTESANÍA E DESEÑO E MEMORIA HISTÓRICA

D/D<sup>a</sup> \_\_\_\_\_ con NIF \_\_\_\_\_

na condición de:                     TITULAR                     REPRESENTANTE

do Obradoiro artesán \_\_\_\_\_ con NIF/CIF \_\_\_\_\_

Correo electrónico \_\_\_\_\_ Teléfono \_\_\_\_\_

Enderezo \_\_\_\_\_

Concello \_\_\_\_\_ Provincia \_\_\_\_\_ C.P. \_\_\_\_\_

**DECLARO RESPONSABLEMENTE** que de resultar seleccionado/a para participar na mostra ARTESANFROILÁN 2022:

1. Acepto ás condicións que se establecen nas presentes bases e mailos compromisos que delas poidan derivarse, así como que son verdadeiros todos os datos e informacións que aporsto coa solicitude.
2. Que a Deputación de Lugo queda eximida de calquera responsabilidade derivada da realización da actividade, segundo se establece no punto 4º das bases.
3. Acepto que, de acordo coas bases, asumo a responsabilidade de obter os permisos municipais correspondentes para a entrada de vehículos participantes na mostra, aos efectos de montaxe, desmonte, carga e/ou descarga, segundo se desprende do punto 5º das bases.
4. Que a persoa física ou xurídica:
  - a. Ten plena capacidade de obrar, e a habilitación profesional necesaria para realizar a prestación, de conformidade co estipulado nos artigos 65, 84, 118 e 131.3 da Lei 9/2017, de 8 de novembro, de Contratos do Sector Público, pola que se transpoñen ó ordenamento xurídico español as Directivas do Parlamento Europeo e do Consello 2014/23/UE, e 2014/24/UE, do 26 de febreiro do 2014 (en diante LCSP).

- b. Non se atopa incurso nas prohibicións de contratar ás que se refire o artigo 71 da LCSP.
- c. Esta ao corrente no cumprimento das obrigas tributarias e da Seguridade Social impostas polas disposicións vixentes.
- d. Atópase dada de alta no Imposto de Actividades Económicas, nunha actividade, acorde coa prestación a desenvolver, de conformidade co estipulado nos artigos 78 e 83 do Real Decreto Legislativo 2/2004, do 5 de marzo, polo que se aproba o texto refundido da Lei Reguladora das Facendas Locais.
- e. Habilita como dirección electrónica a sinalada no anterior apartado “Correo electrónico”, consentindo así mesmo a súa utilización, de conformidade co estipulado no artigo 151.3 e na Disposición Adicional Décimoquinta da LCSP

E para que así conste, asino en \_\_\_\_\_ a \_\_\_\_\_ de \_\_\_\_\_ de 2022.

Sinatura:

#### INFORMACIÓN BÁSICA SOBRE A PROTECCIÓN DE DATOS

Responsable: Deputación de Lugo

Finalidade: Xestión da selección dos obradoiros da mostra Artesanfroilán 2022.

Lexitimación: RGPD: 6.1 e) Tratamento necesario para o cumprimento dunha misión realizada en interese público ou no exercicio de poderes públicos conferidos ao responsable do tratamento

Destinatarios: A propia Administración

Dereitos: Acceso, rectificación, supresión, oposición, limitación do tratamento e, no seu caso, oposición e portabilidade dos datos

Procedencia: A través do interesado por parte do persoal de xestión ou mediante acceso do interesado, como usuario externo, aos formularios en papel e aos formularios web recollidos no portal da Deputación de Lugo

**ILMO. SR. PRESIDENTE DA EXCMA. DEPUTACIÓN PROVINCIAL DE LUGO**